



UNIVERSITÄTS-
BIBLIOTHEK
PADERBORN

Baldvini Cabilliavi E Soc. Iesv Magdalena

Cabilliau, Baudouin

Antwerpen, 1625

Elegia IV. Æstus Magdalene inter Spem & Metum.

[urn:nbn:de:hbz:466:1-70461](#)

ELEGIA IV.

*Æstus MAGDALENÆ inter Spem
& Metum.*

MOBILE sulcat iter maris arbitra pinus &
Euri,
Et procul Isaciis abnatat exsul agris.
Et Mariam, Mariaque pio cum fratre sororem,
Vecta mari pondus nobile cymba vehit.
Quam nihil in fluxo fidum sale? turbinis instar,
Heu! Timor in placidis Magdalin vrgeraque;
Stansque atrâ in tunicâ piceis sic infit ab vndis:
Quo ruis vndoso non redditura freto?
Irritataque feras audaci lintre procellas,
Quas non sustineat pinea silua solo?
Quis furor hic vastos curtâ trabe scindere fluctus?
Sola fretum, vinces Magdala sola Notos?
Hinc latrat fera Scylla, vorax fremit inde Cha-
rybdis,
Et Nerei rabies, Aeolidumque furor.
Quis tibi nunc animus? tantis obnoxia damnis,
Qua flectes trepidam fluxa per arua fugam?
Frangit tot armatas flammis vndisque procellas;
Tunc demum apta rati laurea ferta leges.
Sed non est tumidos ut speres vincere fluctus,
Bellaque nauifrago deuolienda mari.
Nunc igitur prono pelago lege littoris oram:
Sin; dabis irato iusta piacula mari.
Sic Timor; & rapido simul impulit impete fluctu
Monstriferu:icta graui pondere cymba gemit.
Dat latus alternum circum bacchantibus vndis:
Heu!

Heu! propè iam tumido gurgite succubuit.
 Parte alia niueis sed Spes alludit in alis;
 Quaque venit, pontus parte serenus agit.
 Magdala quę dubiis tibi mens nūc innatat vndis?
 Si Timor absterret, Spes iubet astra sequi.
 Illa ferā vt Tethyn, rabidos sic vincit & Austros,
 Quęq; tuum cingūt monstra tremenda latus.
 Dixit, & in vacuas Spes auolat ilicet auras.
 Lux breuis irradiat, cetera noctis erant.
 Littus vt alternis vagus æstus oberrat arenis,
 Incertumque breuis fit sibi arena fretum:
 Sic par cura tuo voluit sub peatore fluctus,
 Spesq; Metum discors, Spē Metus ipse premit.
 Turbidus inde Timor millena volumina versat,
 Spes facili hinc remo mobile verrit iter.
 Heu! lacrymas inter suspiriaque æmula vento,
 Ambiguo in fluctu naufraga corda natant!

ELEGIA V.

Massilia innitat MAGDALENAM.

O Zephyre errantem pennā rege præpte
 cymbam;
 Nō grauat hoc pondus, prora quod arcta capit:
 Seu potius passis celer euche Magdalin alis;
 Tam pia ferre mari sidera magnus honos.
 Pennigero in curru cur non eat altior vndis,
 Quæ tot inhumanā sub cruce bella tulit?
 Parua licet ratis hęc, cui nobile Magdala pondus,
 Dignior Argoā est, quam vehat vnda, trabe.
 Vt quid adhuc tardas? nescis? gēs proxima Diuis,
 Ni faueas, Euro iudicra turba cadet.

F 2

Eia,